



Universitätsbibliothek Paderborn

**Francisci Baconi Baronis de Verulamio, Vice-Comitis S.
Albani, Summi Angliæ Cancellarii, Opera omnia, Quæ
extant: Philosophica, Moralia, Politica, Historica ...**

Bacon, Francis

Francofurti ad Moenvm, 1665

Cap. III. Partitio Historiæ Naturalis secunda, ex usu & Fine suo, in
Narrativam, & Inductivam; Quodque Finis nobilissimus Historiæ Naturalis
sit, ut ministret, & in ordine sit, ad condendam ...

urn:nbn:de:bvb:12-bsb10497643-5

virium, merito irrisit Plato, quando Hippiam Sophistam jactabundum inducit cum Socrate dispu-tantem, sincero & solido veritatis investigatore: Qui, cum de pulchritudine sermo institutus esset, pro vago suo & soluto disputandi more, primum intulit exemplum virginis pulchræ, dein equæ pulchræ, postrem ollæ fictilis pulchræ, & af-fabré factæ: Hoc ultimo exemplo Hippias com-motus, dixit: *Stomachare certe, (nisi huma-niatus ratio me eo adigeret,) cum quoqnam dispu-tare, qui exempla tam vilia & sordida allegaret.* Cui Socrates, *Te quidem ita decet, cum tam ni-tidu sis amictus vestibus, & pulchrius calceis:* & alia per Ironiam. Enim vero, illud pro certo afferi possit, grandia exempla haud optimam aut tutissimam afferre informationem. Id quod ex-primitur non insulse in pervulgata illa fabula de Philosopho: qui cum stellas sublatis oculis in-tueretur, incidit in aquam: Nam si oculos de-misisset, stellas illico in aqua videre potuisset: ve-rum suspiciens in caelum, aquam in stellis videre non potuit. Eodem modo tæpe accidit, ut res minuta & humiles, plus conferant ad notitiam grandium, quam grandes ad notitiam minutaru. Bene liquidem notavit Aristoteles, *Cujusque rei naturam in portionibus ejus minimis optime cerni.* Quam ob causam, Reip. naturam perscrutatur primo in familia, & in simplicissimis combinatio-nibus socieratis, (mariti scilicet & uxoris, paren-tum & liberorum, Domini & Servi,) quæ in quo-libet tuguriolo occurunt. Simili plane ratione natura hujuscem magnæ civitatis, (universitas ni-mirum rerum,) ejusque dispensatio, in prima qua, que symbolizatione, & mininim rerum portio-nibus, investiganda est: ut fieri videamus, quod se-cretum illud naturæ (habitum pro maximo,) de verticitate ferri, tactu magnetis exciri ad polos, se conspicendum præbuit, non in vectibus fer-tis, sed in acibus.

Ego vero, si quod sit mei pondus judicii, sic pla-ne statuo; *Historia Mechanica* usum erga Philo-sophiam naturalem, esse maxime radicalem, & fundamentelem. Talem intelligo Philosophiam naturalem, quæ non abeat in fumis speculatio-num subtilium, aut sublimium, sed quæ efficaciter operetur, ad sublevanda vita humana incomoda. Neq; enim ad præsentantum juvabit, nectendo & transferendo observations artis in usum alia-rum, & inde novas comoditates eliciendo; quod necesse est fieri, cum experimenta diversarum ar-tium in unius hominis observationem & con-siderationem venient, sed porro ad causas indagan-das, & artium Axiomata deducenda, lucidorem facem accenderet, quam hactenus unquam affulit. Quemadmodum enim ingenium aliquujus haud bene notis, aut probaris, nisi eum irritaveris; neq; Proteus se in variis rerum facies vetere solitus est, nisi manicis arcte comprehensus; similiter etiam natura arte irritata, & vexata, se clarius pro-dit, quam cum sibi libere permititur.

Antequam vero hoc membrum historię natu-ralis, (quod mechanicum atque experimentale vo-camus) demittamus, illud adjiciendum: Corpus talis historiae, non solum ex artibus ipsis mechan-i-cis, verum & ex operativa parte scientiarum libe-rarium, ac simul ex Practicis compluribus (quæ

in artem non coauerunt) confici debere, ut nihil utile prætermittatur, quod ad informandum in-tellectum juvat. Atque haec est *historia naturalis* partitio prima.

C A P. III.

Partitio Historiae Naturalis Secunda, ex Usu & Fine suo, in Narrativam, & Inductivam. Quodque Fines nobilissimus Historia Naturalis fit, ut ministret & in Ordine fit ad condendam Philosophiam, quem Finem inituet Induc-tiva. Partitio Historia Generationum in Historiam Cœ-lum: Historiam Meteororum: Historiam Globi Ter-riæ & Maris: Historiam Massarum sive Collegiorum Majorum: & Historiam Specierum sive Collegiorum Minorum.

*H*istoria Naturæ, ut Subiecto triplex (quem-admodum diximus) ita Usu duplex est: Ad-hibetur enim, aut propter *Cognitionem rerum ipsarum*, quæ historie mandantur; aut tan-quam *Materia prima Philosophiae*. Atque prior illa, quæ aut *Narrationum* jucunditate delectat, aut *Experimentorum* uero juvat, atque hujusmo-di voluptatis aut fructus gratia quælibet est, lon-ge inferioris nota censenda, præ ea, qua *Indu-citionis* vera & legitima sylva sit, atque supellex, & primam Philosophia mammam præbeat. Rus-sus itaque partim *historiam naturalem*, in *Narrativam, & Inductivam*: Hanc autem posteriorem inter Desiderata ponimus. Neque vero-aciem mentis alicujus perstringant, aut magna anti-quorum nomina, aut magna recentium volu-mina. Satis enim scimus, haberi historiam na-turalem mole amplam, varietate grata, dilig-entia sapientis curiosam. Attamen si quis ex ea fabulas, & antiquitatem, & auctorum citatio-nes, & inanes controversias, Philologiam denique, & ornamenta eximat, (quæ ad *Conviva-les sermones*, hominumque doctorum noctes, po-tius quam ad instituendam Philosophiam sunt ac-commodata,) ad nil magni res recidet. Longe autem profecto abest ab ea historia, quam animo-metimur. Primo enim desiderantur duæ illæ *historiae naturalis* partes, (de quibus modo diximus) *Præter-Generationum, & Artium*, in quib; nos plurimum ponimus: Deinde, in tercia illa (quæ reliqua est) parte generali, nimirum de *Generationibus*, uni tantum, ex quinque par-tibus ejus, satisfacit. Siquidem *Historia Genera-tionum* constitutur partes subordinatae: quinque: Prima *Cœlestium*, quæ *Phænomena ipsa* sincera complectitur, atque separata à dogmati-bus; Secunda *Meteororum* (annumerando eti-am Cometas) & *Regionum*, quas vocant, *Aeris*; Neque enim de Cometis, Meteori signis, Ven-tis, Pluviis, Tempestibus, & reliquis, invenitur aliqua Historia, quæ nullius sit pretii. Tertia *Terra & Maris*, (quatenus sunt Universi Partes Inte-grales) montiū, Flumin, Ästuū, Arenarum, Sylvarum, Insularum, deniq; Figure ipsius Con-tinentium prout exportiguntur; in his omnibus, potius Naturalia inquirendo & observando, quæ Cosmographica. Quarto, de *Massis Materia communibus*, quas *Collegia Majora* vocamus.) vul-go *Elementa* dicuntur. Neque enim de Igne, Aë-re, Aqua, Terra, eorumque Naturis, Motibus, O-peribus, Impressionibus, Narrationib; repertiu-ntur, quæ corpus aliquod Historię justū constitu-ant. Quinta, & ultima, de *Collectionibus Materia ex-quisitis*,

quisitū, quæ à nobis Collegia minora, vulgo Species appellantur. In hac autem postmoda sola, industria Scriptorum enitur, ita tamen, ut potius luxuriata sit in superfluis. (Iconibus Animaliū, aut Plantarum, & similibus intumescens) quam solidis & diligentibus observationibus ditata, quæ ubique in Historia Naturali subiecti debent. Atq; ut verbo dicam, omnis, quam habemus, Naturalis Historia, tam inquisitione sua, quam congerie, nullo modo in ordine ad eum quem diximus finem [cōdendā scilicet Philosophiā] p̄tata est. Quare Historiam inducīvam desiderari pronunciamus. Atque de Naturali Historia hactenus.

CAP. IV.

Parr̄io Historiæ Civilis, in Ecclesiasticam, Literariam, & (que Generis nomen erimes) C. vilem: quodque Historia Literaria desideratur. Eius conficienda P̄cepta.

Historiam (*Civilem*) in tres species recte dividit. Putamus: Primo *Sacram*, sive *Ecclesiasticam*: deinde eam, quæ Generis nomen retinet, *Civilem*: Postremo *Literarum & Artium*. Ordinem aurē ab ea Specie, quam postremo posuimus, quia reliquæ dūa habent, illam autem inter De idērata referre vīsum est. Ea est *Historia Literarum*. Atque certe Historia Mundi, si hac parte fuerit destituta, non absimilis celeri possit *Statua Poliphemi*, eruto oculo, cum ea pars imaginis desit, quæ ingenium & indolem Personæ maximè referat. Hanc licet desiderati statuamus, nos nihilominus minimè fugit, in Scientiis particularib⁹ Jure consultorum, Mathematicorum, Rhetorum, Philosophorum, haberet levem aliquam mentionem, aut narrationes quasdam jejunas, de Sectis, Scholis, Libris, Auctoriis, & Successionibus hujusmodi Scientiarum: Inveniri etiam de rerum & Artium Inventoribus tractat⁹ aliquos exiles, & in fructuofos. Attramen justam atq; universalem *Litterarum Historiam* nullam adhuc editam asserimus. Ejus itaque & Argumentum, & conficiendi Modum, & Utiam proponemus.

Argumentum non aliud est, quam ut ex omni Memoria reperatur, quæ Doctrinæ Artes, quibus Mundi ætatis & Regionibus floruerint. Earum Antiquitates, progressus, etiam peragrationes per diversas Orbis partes (migrant enim Scientiæ, non secus ac populi) rursum declinationes, obliviones, instauraciones cōmemorentur. Observetur simul per singulas Artes, inventionis occasio & origo, tradendis mos & disciplina, colendi & exercendi ratio & instituta. Adjiciantur etiam Sectæ, & Controversie maxime celebres, quæ homines doctos tenuerunt, Calumniae, quibus patuerunt, Laudes & honores quib⁹ decoratae sunt. Notentur Auctores præcipui, libri præstantiores, Scholiæ, Successiones, Academiae, Societates, Collegia, Ordines, deniq; omnia quæ ad Statū Literarum spectant. Ante omnia etiam id agi volumus (quod Civilis Historiæ decus est, & quasi anima) ut cū eventis causa copulentur: videlicet, ut memorentur Naturæ regioniæ ac populorum, Indolesque apta & habilis, aut inepta & inhabilis ad disciplinas diversas; Accidentia temporum, quæ Scientiis adversa fuerint aut propitia, Zeli & mixtura Religionum; Malitia & favores Legum, Virtutes denique insignes, & efficacia quorundam viatorū, ergaliteras promovendas, & similia. At hæc

omnia ita tractari præcipimus, ut non, Criticorū more in laude & censura tempus teratur; sed plāne historicæ res ipse narrantur, judicium parcius interponatur.

De Modo autem huiusmodi Historiæ conficiendæ, illud in primis monemus, ut materia & copia ejus, non tantum ab Historiis & Criticis petatur, verum etiam per singulas annos Centurias, aut etiam minora intervalla, seriatim, (ab ultima Antiquitate factò principio) libri præcipui, qui eo temporis spatio conscripti sunt, in consilium adhibeantur; ut ex eorum non perlectione, (id enim infinitum quiddam esset) sed degustatione & observatione Argumenti, Stylis, Methodi, Genius illius temporis literatus, veluti incantatione quadam, à mortuis evocetur.

Quod ad *Vtam* attinet, hac eo spectant, non ut honor Literarum, & pompa, per tot circumfusas imagines celebretur; nec quia, pro flagrantissimo, quo literas prosequimur, amore, omnia quæ ad earum statū quoquo modo pertinent, usq; ad curiositatem inquirere, & scire, & conservare aveamus: sed præcipue ob causam magis seriam, & gravem: Ea est, (ut verbo dicamus) quoniam per talē, qualem descripsimus, Narrationem, ad Virotum doctorum, in Doctrinæ usu & administratione, prudentiam & soleritatem, maximam accessionem fieri possit existimamus, & rerum intellectu alium, non minus quam Civilium motus, & perturbations, virtutæ & virtutes, notari posse, & Regimen inde optimum educi & institui. Neque enim B. Augustini, aut B. Ambrosii opera, ad prudentiam Episcopi, aut Theologi, tantum facere posse putamus, quantum si Ecclesiastica Historia diligenter inspicatur, & revolvatur. Quod & Viris doctis ex *Historia Literarum* obveniuntur non dubitamus. Casum enim omnino recipit, & remeritati exponit, quod exemplis & memoria rerum non solvit. Atque de *Historia Literaria* hæc dicta sine.

C.A.P. V.

De Dignitate, & Difficultate Historiæ Civilis.

Sequitur *Historia Civilis* specialis, cuius dignitas atq; auctoritas, inter scripta humana eminet. Hujus enim fidei, exempla Majorum, vicissitudines rerum, fundamenta Prudentiæ Civilis, hominum denique nomen & fama, commissa sunt. Ad dignitatem rei accedit difficultas non minor. Et enim animum in scribendo ad præterita retrahere, & veluti antiquum facere; temporum motus, Personarum characteres, Consiliorum trepidationes; Actionum (tanquam aquarum) ductus, Prætextuum interiora, Imperii Arcana, cum diligentia scrutari, cum fide & libertate referre, deniq; verborum lumine sub oculos ponere, magni utiq; laboris est, & judicis; præsertim cū antiquiora quæque incerta, recentiora periculo obnoxia reperiatur. Quam orbem & plurima Historiam istam Civilem circumstant virtus: dum pleriq; narrationes quasdam inopes, & plebeias, & plane dedecora historiarū conscribant; alii particulares relationes, & Commentariolos opera fascinata & textu inæquali consarciant, alii capita tantum rerū gestatum percurrant, alii contra, minima quæque, & ad summas actionum nihil facientia, persequantur, nonnulli, nimia erga ingenia propria indulgentia,